

ԳՐԱՆՈՍՈՒԹՅՈՒՆ ԵՎ ՔՆՆԱԴԱՏՈՒԹՅՈՒՆ

С. М. МАРУКЯН—«ЛЕСА АГРОНОМИЧЕСКОГО ЗНАЧЕНИЯ И ХОЗЯЙСТВО В НИХ»

Գիրքը նվիրված է տնտեսության հարցին այն անտառներում, որոնք պատկանում են կոլտնտեսություններին, սովխոզներին և մյուս ֆոնդատերերին: Հեղինակը ցույց է տալիս, որ գյուղատնտեսական օգտագործման հողերի ներսում գտնվող այդ անտառներն զգալի ազդեցություն են գործում շրջապատող տերիտորիայի վրա և բարձրացնում են բոլոր գյուղատնտեսական կուլտուրաների բերքատվությունը: Գրքի առաջին բաժնում տրվում է այդ անտառներում առավել նշանակություն ունեցող ծառերի ու թփուտների անտառագիտական և բիոլոգիական բնութագիրը: Առանձնահատուկ ուշադրություն է նվիրվում ծառատեսակների անտառագոյացման, պաշտպանական և տնտեսական նշանակությանը: Նկարագրությունները հակիրճ են և ճշգրիտ: Երկրորդ բաժնում բավականաչափ լրիվ բնութագրվում են միջավայրի բոլոր գործոնները գյուղատնտեսական անտառներում և, առանձնապես, նոր տվյալների հիման վրա շարադրված է անտառի ու քամու հարցը: Խորհուրդ է ստացվում ընտրել տնկարկների այնպիսի ստրուկտուրա, որը ավելի լավ է դիմակայում քամիներին: Ցույց է տրվում արմատային սխտեմների դերը: Լավ են նշված փոքրազանգված անտառների ծառատունկերի լուսավորման առանձնահատկությունները: Գյուղատնտեսական նշանակություն ունեցող փոքրազանգված անտառների բուժմանը և անբավարար տնկարկների վերականգնմանը նվիրված գլուխը գրել է գյուղատնտեսական պատությունների թեկնածու Վ. Վ. Միրոնովը: Ընդհանուր ճանաչում գտած մեթոդների հետ մեկտեղ նկարագրվում է հեշտության մեջ գտնվող հողերում երիտասարդ խոպանի վրա սոճու մշակույթի նոր եղանակը, որ ՎՆԻՄ-ի Դոնի անտառային փորձակայանում մշակել է անտառագետ Ն. Ս. Զյուզը:

Խնամքի հատումներին և գլխավոր օգտագործման հատումներին վերաբերող գլուխները, ինչպես նաև հաջորդ բոլոր գլուխները գրել է հիմնական հեղինակը՝ Ս. Մ. Մարուքյանը: Սթանդակ օգտագործմանը նվիրված գլխում ցույց է տրվում անասունների արածեցումը կարգավորելու անհրաժեշտությունը: Խորհուրդ է տրվում գյուղատնտեսական անտառներում ու պաշտպանական շերտերում բուծել կաքավ, փասիան և մորեկ: Առանձնապես հետաքրքրական և ինքնատիպ է գյուղատնտեսական անտառների տնտեսական արդյունավետությանը վերաբերող գլուխը: Դյուրամատչելի ու համոզիչ կերպով է մեկնաբանվում պաշտպանական շերտերի օպտիմալ լայնությունը որոշելու մեթոդիկան: Առաջարկված է ստեղծել և հարմար բանաձև՝ դաշտապաշտպան շերտերի

ու պաշտպանական նշանակություն ունեցող անտառային կուլտուրաների տրնտեսական էֆեկտիվությունը որոշելու համար: Տիմիրյազևի անվան գյուղատրնտեսական ակադեմիայի անտառային փորձահողանի գրեթե 100-ամյա (1863—1959 թթ.) տնտեսական գործունեության օրինակի վրա համոզիչ կերպով ցույց է տրվում 250 հա տարածությամբ փոքրազանգված անտառում, վերջինիս օգտագործման մշտատևության ու անընդհատության հիման վրա անտառային տնտեսությունը ճիշտ վարելու տնտեսական էֆեկտիվությունը: Ընդամին ապահովված է բնափայտի վերարտադրության ընդլայնումը: Նշվում է, որ փոքրազանգված անտառների տարածությունը ՍՍՌՄ-ում արագ կերպով մեծանում է: Հատնելով առավելագույն աճի, այդ անտառներն ընդունակ են տալու տարեկան շուրջ 800 միլիոն խորանարդ մետր բնափայտ, որը ավելի քան 2 անգամ գերազանցում է ՍՍՌՄ-ի ժողովրդական տնտեսության զարգացման յոթնամյա պլանով նախատեսված փայտամթերումների ծավալը, ուստի այդ անտառներին պետք է մեծ ուշադրություն դարձնել: Բերվում են Տամբովի մարզի Սոսնովսկի շրջանի «Լենինյան ուղի» կոլտնտեսությունում անտառային տնտեսությունը օրինակելի կերպով վարելու վերաբերյալ օրինակներ: Հաջող կերպով ցույց է տրված, որ գյուղատնտեսական անտառները անհրաժեշտ պայման են հանդիսանում գյուղատնտեսության մեջ ընդլայնված վերարտադրություն ապահովելու համար:

Գրախոսվող գիրքը ուրախալի երևույթ է անտառային ու գյուղատնտեսական գրականության մեջ և ժողովրդական տնտեսության այդ երկու ճյուղերը միավորում է որպես միասնական մի սիստեմ և հետաքրքրություն է ներկայացնում անտառագետների ու գյուղատնտեսների համար:

Ի. Կ. ՖՈՐՏՈՒՆԱՏՈՎ